

Тақырыбы: «Рәміздер-мақтанышым!»

Мақсаты:

Білімділігі: Балаларға ҚР-ның рәміздерімен таныстыру елтаңба, ту, әнұран туралы түсінік қалыптастыру. Туған ел, Отан туралы білімдерін кеңейту.

Әдіс-тәсілі: Әнұран тыңдау, түсіндіру, көрсету, тақпақтар айту.

Көрнекілігі: рәміздердің суреттері

Сөздік жұмыс: Елтаңба, Ту, Елбасы, Әнұран.

Билингвальды компонент: Елбасы-Президент, Жалау-Флаг, Елтаңба-Герб, Әнұран-Гимн.

Балаларға туған жеріміз, отанымыз туралы сұрақтар қою.

-Балалар бүгін қандай күн?

-Біз қай Республикада тұрамыз?

-Біздің елбасымыз кім?

-Елордамыз қай қала?

-Біздің ұлтымыз қандай?

-Қай тілде сөйлейміз?

-Біздің елде қандай ұлт өкілдері тұрады?

-Рәміздерге нелер жатады?

Рәміздерім-елдігімнің белгісі,

Білу керек-бала-дағы ең кіші.

Рәміздерім-Әнұран, Ту, Елтаңба,

Рәміздерді жатқа білген жөн кісі.

Әңгімелесу:

(рәміздер туралы сурет арқылы түсіндіріп көрсету)

Балалар мемлекеттік рәміздер халқымыздың рухын, ұлттық салт-санасын, қахармандығы мен даналығын, болашаққа үмітін, арман-тілегін жеткізетін ерекше құнды белгілер.

Рәміздерге: Елтаңба, Ту, Әнұран жатады. Желбіреген аспан түстес байрағымыз

халқымыздың арманын асқақтатып, қыран бүркіттей елімізді аспан әлеміне қалықтатып тұр.

Еңселі Елтаңбамызды сипаттау:

ҚР-ның рәміздерінің бірі елтаңба.

Елтаңбада көгілдір түсті аясында шаңырақ бейнеленген. Шаңырақтан күн сәулесі тәріздес уықтар таралған. Шаңырақпен уық-отбасы негізі, Отанымыздың көптеген ұлттардың бір шаңырақ астында бірлігін көрсетеді. Оң жағы мен сол жағында қанатты қос тұлпар бейнесі бейнеленген.

Елтаңбаның жоғарғы бөлігінде бес бұрышты жұлдызша орналасқан.

Бес жұлдыз – әр бір адамның, халықтың жол нұсқайтын жарық жұлдызы деген мағынаны білдіреді.

Ал төменгі бөлігінде «Қазақстан» деген жазу бар. Ол мемлекетіміздің атын білдіреді. Осы әсемде, асқақ елтаңбаның авторлары:

Жандарбек Мәлібеков пен Шота Уалиханов.

Тұғырлы Туымызды сипаттау:

Балалар мынау ҚР-ның мемлекеттік туы. Туымыздың түсі көк. Көк түс бірлік пен ашық аспанды көрсетеді. Туымыздың ортасында сәуле шашқан күнбейнесі орналасқан. Ол тыныштықпен байлықтың белгісі. Күн астында қалықтап ұшқан қыран құс бейнесі орналаққан. Ол еркіндіктің, қазақ халқының жан дүниесінің белгісі. Туымыздың сабы бекітілген тұсында қазақтың ұлттық ою-өрнегімен көмкерілген. Бұл ою-өрнек қазақ халқының қол өнер шебер болғанын білдіреді.

Тудың авторы-Шәкен Оңдасынұлы Ниязбеков.

Асқақтаған Гимнді сипаттау:

Кез келген мемлекеттік рәміздердің ең бастысы-Гимн. Гимн мемлекеттің салтанатты әні Гимнді түргеліп,жүректің тұсына қолдарын қойып айтады.Бұл өз мемлекетіне деген құрметті көрсетеді.

Гимннің авторы:Шәмші Қалдаяқов,сөзін жазғандар: Жүмекен Нажмеденов,НұрсұлтанНазарбаев.

Гимн орындалады.

Рәміздер туралы тақпақтар айту:

№3 топ бүлдіршіндері тақпақтарын айтады.

Айжұлдыз

Айнымайды аспаннан

Біздің тудың бояуы

Оны халық қашанда

Аспанға іліп қояды

Әлімбай

Елтаңбасы елімнің

Неткен әйбат,әдемі

Тұнығындай көңілдің

Ортада аспан әлемі

Ө.Әмина

Әнұраны елімнің

Шақырады бірлікке

Егеменді халқымның

Болашағы бірлікте

Ән: «Отаным»

Би:Флешмоб: (№14 топ тәрбиеленушілері)

Тақпақ:(№10 топ тәрбиеленушілері тақпақ айтады.)

Би: «Торсық» (№12 топ тәрбиеленушілері орындайды)

Ойын: «Өз туыңды тап»

Оркестр. (№3 топ бүлдіршіндері асықпен шығап орындайды)

Би: флешмоб (№10 топ бүлдіршіндері орындайды)

Қорытындылау:

Сондықтан біз балалар бір-бірінді татулыққы, достыққа шақырайық.

Біз көппіз және бәріміз – бір Елміз, бір халықпыз..

Біз бәріміз бір атаның – қазақ халқының ұлымыз.

Бәріміздің де туған жеріміз біреу – ол қасиетті қазақ даласы.

Мемлекеттік рәміздерді қадірлеу тәуелсіз Қазақстанның әрбір азаматының қасиетті борышы. Мемлекеттік рәміздерді құрметтеу – елді, халықты, тарихты, әдет- ғұрыпты, салт- дәстүрді қастерлеу болып табылады. Сендер тәуелсіз еркін елде ер жеткен ұлансыздар. Ендігі жерде еліміздің тағдыры, Қазақстан ертеңі өз қолдарыңызда. Туған елімізді жоғары дамыған елдер қатарына енгізетін мына сендерсіңдер. Ол үшін сендер терең әрі жан – жақты білім алу керексіңдер, – дей келе бүгінгі тәрбие сағатымызды аяқтаймыз

-Балалар бүгінгі оқу қызметімізде не туралы әңгімелестік?

-Тәуелсіз еліміздің рәміздері туралы айттық.

-Еліміздің рәміздерін атаңдар?

-Рәміздерді қалай құрметтеуіміз керек?

**«Күншуақ» бөбекжай-бақшасы» МКҚК
Тақырыбы: «Рәміздер-мақтанышым!»**



**Тәрбиешілер: Р.Ж.Искакова
А.Абилгазина**

2022ж



